

JAVNA USTANOVA
«Služba za zapošljavanje Kantona Sarajevo»
SARAJEVO

P R A V I L N I K
O NAČINU OSTVARIVANJA PRAVA NA NOVČANU
NAKNADU I DRUGIH PRAVA ZA VRIJEME PRIVREMENE
NEZAPOSLENOSTI

Vrijedi od	19.06.2006. godine
Izdanje broj	1
Šifra dokumenta	JUSZZKS P 7.5.

KONTROLISAO
Direktor
s.r. Vahid Muharemović

ODOBRIO
Predsjednik Upravnog odbora
s.r. Azemina Čerimagić

Na osnovu člana 16. Statuta J.U. «Služba za zapošljavanje Kantona Sarajevo» Sarajevo, u skladu sa Zakonom o posredovanju u zapošljavanju i socijalnoj sigurnosti nezaposlenih osoba («Sl. novine F BiH», broj 41/01), Zakona o izmjenama i dopunama Zakona o posredovanju u zapošljavanju i socijalnoj sigurnosti nezaposlenih osoba («Sl. novine F BiH», broj 22/05), Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo («Sl. novine Kantona Sarajevo, broj: 4/04), Upravni odbor na sjednici održanoj 19.06.2007 godine, d o n o s i

P R A V I L N I K
o načinu ostvarivanja prava na novčanu naknadu i drugih prava
za vrijeme privremene nezaposlenosti

DIO PRVI – OSNOVNE ODREDBE

Član 1.

(Predmet pravilnika)

Ovim Pravilnikom se uređuju način i uslovi sticanja, obim i vrste prava za vrijeme privremene nezaposlenosti, koje ostvaruje nezaposlena osoba u ili putem Službe za zapošljavanje Kantona Sarajevo (u daljem tekstu Služba) iz osnova osiguranja za slučaj nezaposlenosti.

Član 2.

(Osnov sticanja prava)

Nezaposlene osobe prijavljene na evidenciju Službe, ostvaruju svoju materijalnu i socijalnu sigurnost za vrijeme nezaposlenosti na osnovu i pod uslovima utvrđenim Zakonom o posredovanju u zapošljavanju i socijalnoj sigurnosti nezaposlenih osoba (u daljem tekstu: Federalni zakon), Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo (u daljem tekstu: Kantonalni zakon), ovim Pravilnikom, i drugim propisima koji utvrđuju prava nezaposlenih osoba.

DIO DRUGI – PRAVA PO OSNOVU NEZAPOSLENOSTI

POGLAVLJE I - VRSTE PRAVA I OSIGURANJE ZA SLUČAJ NEZAPOSLENOSTI

Član 3.

(Vrste prava)

Materijalna i socijalna sigurnost nezaposlene osobe podrazumijeva:

- a) pravo na novčanu naknadu;
- b) pravo na uplatu doprinosa za zdravstveno osiguranje;
- c) pravo na uplatu doprinosa za penzijsko i invalidsko osiguranje.

Član 4.

(Osiguranje za slučaj nezaposlenosti)

Zaposlenik osigurava svoju materijalnu i socijalnu sigurnost za vrijeme nezaposlenosti prvenstveno osiguranjem za slučaj nezaposlenosti u skladu sa važećim zakonskim propisima.

Član 5.

(Pojam osigurane osobe)

(1) Osobom osiguranom za vrijeme nezaposlenosti, smatra se nezaposlena osoba za koju su uplaćivani doprinosi za osiguranje od nezaposlenosti, za vrijeme provedeno na radu koje predhodi prestanku radnog odnosa.

(2) Osiguranje za slučaj nezaposlenosti svakog pojedinog zaposlenika se obezbjeđuje obaveznom uplatom doprinosa za osiguranje od nezaposlenosti iz i na plaće za sve zaposlenike koje pravno ili fizičko lice kod koga je zaposlenik bio u radnom odnosu, zapošljava.

POGLAVLJE II – NOVČANA NAKNADA ZA VRIJEME NEZAPOSLENOSTI

Član 6.

(Uslovi za sticanje prava)

Pravo na novčanu naknadu za vrijeme nezaposlenosti pripada nezaposlenoj osobi ako:

- a) ima status nezaposlene osobe iz člana 3. Federalnog zakona;
- b) u trenutku prestanka radnog odnosa ima najmanje 8 mjeseci rada neprekidno ili 8 mjeseci sa prekidima u posljednjih 18 mjeseci;
- c) je osigurana za slučaj nezaposlenosti za vrijeme provedeno na radu;
- d) radni odnos joj je prestao bez njenog svjesnog doprinosa i nije dobrovoljno napustila posao bez opravdanog razloga;
- e) je podnijela zahtjev za ostvarivanje prava u zakonom propisanim rokovima;

Član 7.

(Izuzeci sticanja prava)

(1) Izuzetno, pravo na novčanu naknadu pripada nezaposlenoj osobi, i ukoliko nisu ispunjeni uslovi iz člana 6 ovog Pravilnika, ako je bila zaposlena u inostranstvu, i po povratku u zemlju, pravo ostvaruje u skladu sa međudržavnim sporazumom o socijalnom osiguranju;

(2) Izuzetno, pravo na novčanu naknadu pripada nezaposlenoj osobi, i ukoliko nisu ispunjeni uslovi iz člana 6 ovog Pravilnika, ukoliko ista stiče pravo po osnovu i u skladu sa programom za socijalno zbrinjavanje nezaposlenih osoba;

(3) Izuzetno pravo na novčanu naknadu pripada nezaposlenim osobama, i ukoliko nisu ispunjeni uslovi iz člana 6 ovog Pravilnika, ako spada u krug osoba iz člana 32 Kantonalnog zakona i pravo ostvaruje u skladu sa uslovima i kriterijima iz Odluke Skupštine Kantona.

Član 8.

(Najmanji potrebni period rada radi sticanja prava)

(1) Pravo na novčanu naknadu uz ispunjenje ostalih zakonom propisanih uslova stiče nezaposlena osoba koja u trenutku prestanka radnog odnosa ima najmanje 8 mjeseci rada neprekidno ili 8 mjeseci sa prekidima u posljednjih 18 mjeseci.

(2) Kad utvrđivanje prava na novčanu naknadu kao godina rada smatra se vrijeme od 12 mjeseci, a rad kraći od punog radnog vremena preračunava se u puno radno vrijeme.

(3) Kao vrijeme provedeno na radu iz stava 1 ovog člana smatra se vrijeme obaveznog osiguranja prema propisima koji regulišu sistem poreza i obaveznih doprinosa.

Član 9.

(Visina novčane naknade)

Visinu novčane naknade čini 40% prosječne neto plaće isplaćene u Federaciji BiH u posljednja tri mjeseca prije prestanka radnog odnosa nezaposlene osobe, koju objavljuje Federalni zavod za statistiku.

Član 10.

(Dužina trajanja prava)

Novčana naknada iz člana 9 ovog Pravilnika uz ispunjenje ostalih uslova utvrđenih zakonskim propisima, isplaćuje se nezaposlenoj osobi:

- a) 3 mjeseca ako je provela na radu od 8 mjeseci do 5 godina;
- b) 6 mjeseci ako je provela na radu od 5 do 10 godina;
- c) 9 mjeseci ako je provela na radu od 10 do 15 godina;
- d) 12 mjeseci ako je provela na radu od 15 do 25 godina;
- e) 15 mjeseci ako je provela na radu od 25 do 30 godina;
- f) 18 mjeseci ako je provela na radu od 30 do 35 godina i
- g) 24 mjeseca ako je provela na radu više od 35 godina.

Član 11.

(Pravo nakon korištenja novčane naknade)

Nezaposlenoj osobi koja je u cijelosti iskoristila novčanu naknadu, kod ponovnog sticanja ovog prava u vrijeme provedeno na radu, uračunava se samo vrijeme provedeno na radu poslije isteka posljednjeg utvrđenog prava na ovu naknadu.

Član 12.

(Pravo na preostalo vrijeme novčane naknade)

Nezaposlenoj osobi, kojoj je pravo na novčanu naknadu prestalo ponovnim zaposlenjem prije isteka vremena u kojem je imala pravo na novčanu naknadu, a koja je ponovo ostala nezaposlena, osim iz razloga utvrđenih u članu 36. Federalnog zakona, nastavlja se isplaćivanje novčane naknade za preostalo vrijeme, ako je to za nju povoljnije.

Član 13.

(Jednokratna isplata novčane naknade)

(1) Nezaposlenoj osobi koja ima pravo na novčanu naknadu može se, na njezin zahtjev, isplatiti naknada u jednokratnom iznosu, ovisno o utvrđenom trajanju prava na naknadu prema članu 30. Federalnog zakona, radi samostalnog ili sa drugom osobom, osnivanja privrednog društva, radnje ili drugog oblika obavljanja samostalne djelatnosti.

(2) Nezaposlena osoba kojoj je naknada isplaćena u skladu sa stavom 1. ovog člana ne može se prijaviti Službi za zapošljavanje prije isteka vremena za koje je primila jednokratnu isplatu.

(3) Nezaposlena osoba kojoj je novčana naknada isplaćena u skladu sa stavom 1. ovog člana može ponovo steći pravo na novčanu naknadu ako ispuní uslove iz člana 6. ovog Pravilnika.

(4) Uz zahtjev za isplatu naknade u jednokratnom iznosu se dostavlja dokaz o pokretanju registracije djelatnosti kod nadležnog organa.

Član 14.

(Prekid prava na novčanu naknadu)

(1) Isplata novčane naknade nezaposlenoj osobi prekida se:

- a) za vrijeme odsluženja, odnosno dosluženja vojnog roka,
- b) u toku izdržavanja kazne zatvora duže od šest mjeseci.

(2) Isplata novčane naknade nezaposlenoj osobi nastavlja se za ostatak perioda do kojeg je priznato pravo na ovu naknadu, pod uslovom da se prijavi Službi u roku od 30 dana po prestanku okolnosti koja je dovela do prekida.

(3) Uz zahtjev za nastavak isplate novčane naknade prilaže se potvrda nadležnog organa o datumu prestanka okolnosti koja je dovela do prekida isplate novčane naknade.

Član 15.

(Vraćanje neosnovano primljenih iznosa novčane naknade)

(1) Nezaposlena osoba koja je ostvarila primanje na koje nije imala pravo dužna je vratiti primljene iznose odnosno nadoknaditi nastale izdatke, ako je to pravo ostvarila:

- a) na osnovu netačne izjave ili podataka za koje je znala ili morala znati da su netačni;
- b) na neki drugi nezakonit način ili u opsegu većem od onoga koji joj pripada;
- c) zbog toga što nije prijavila nastale promjene, odnosno okolnosti koje utiču na prestanak prava ili opseg njegovog korištenja.

(2) Ako je na osnovu pravomoćne sudske odluke ili odluke poslodavca nezaposlena osoba vraćena na rad i ako joj je poslodavac isplatio plaću i uplatio doprinose za razdoblje u kojem nije radila, ista osoba je dužna vratiti Službi, iznose koji su joj isplaćeni za vrijeme nezaposlenosti.

Član 16.

(Način i obim vraćanja neosnovano primljenih iznosa)

(1) Služba može kod neosnovano primljenih iznosa novčane naknade:

- a) tražiti vraćanje primljenih iznosa u ratama;
- b) tražiti vraćanje manjeg iznosa;
- c) osloboditi osobu obaveze vraćanja cijelog iznosa.

(2) O načinu i visini neosnovano primljenih iznosa, odlučuje se na osnovu ocjene predočenih dokaza i utvrđenih činjenica.

(3) U slučaju da se sa nezaposlenom osobom ne zaključi vansudsko poravnanje o povratu neosnovano primljenih iznosa, pokreće se postupak pred nadležnim sudom.

Član 17.

(Istek roka za vraćanje neosnovano primljenih iznosa novčane naknade)

Vraćanje primljenih iznosa neće se tražiti nakon 36 mjeseci od dana kada:

- a) je data netačna izjava ili dostavljeni netačni podaci;
- b) su nastale promjenjene okolnosti.

Član 18.

(Razlozi za neostvarivanje prava na novčanu naknadu)

(1) Nezaposlena osoba nema pravo na novčanu naknadu:

- a) kad je svjesno doprinijela prestanku radnog odnosa i to:
 - 1) pismenim sporazumom sa poslodavcem,
 - 2) otkazom radnog odnosa od strane zaposlenika,
 - 3) ako zaposleniku prestane radni odnos po sili zakona,
 - 4) ispunjavanjem uslova za ličnu penziju u skladu sa članom 30 Zakona o penzijskom i invalidskom osiguranju,
 - 5) zbog nedovoljnog zalaganja i iskazane nestručnosti u radu,
 - 6) zbog učinjene teže povrede radnih obaveza,
 - 7) zbog učinjenog krivičnog djela prema poslodavcu,
 - 8) zbog odsutnosti sa rada duže od 3 mjeseca radi izdržavanja kazne zatvora.
- b) kad se utvrdi da je dobrovoljno napustila posao bez opravdanog razloga.

(2) Opravdan razlog, u smislu stava 1. tačka b. ovog člana, za dobrovoljno prekidanje radnog odnosa postoji u slučaju kada, s obzirom na sve okolnosti, nezaposlena osoba nema druge prihvatljive mogućnosti nego prekinuti radni odnos, a to se naročito, ali ne isključivo odnosi na:

- a) seksualno ili drugačije zlostavljanje;
- b) diskriminaciju, u smislu člana 5. Zakona o radu;
- c) uslova rada koji ugrožavaju zdravlje ili sigurnost;
- d) postupanje poslodavca suprotno zakonu;
- e) pritisak koji poslodavac vrši na zaposlenika zbog članstva u sindikatu ili drugoj organizaciji zaposlenika

POGLAVLJE III – ZDRAVSTVENO OSIGURANJE

Član 19.

(Osnov ostvarivanja prava)

- (1) Zdravstveno osiguranje nezaposlenoj osobi osigurava se u skladu sa propisima o zdravstvenom osiguranju.
- (2) Pravo na zdravstveno osiguranje putem Službe, ostvaruje nezaposlena osoba pod uslovom da nije niti se može osigurati po drugom osnovu.

Član 20.

(Osigurane osobe)

(1) Pravo na zdravstveno osiguranje putem Službe, u skladu sa članom 19., članom 20. i članom 21. Zakona o zdravstvenom osiguranju («Sl. novine FBiH» broj:30/97 i 15/99) imaju osiguranici i članovi porodice osiguranika:

- a) osiguranici imaju pravo na zdravstveno osiguranje ako su:
 - 1) se prijavili u roku od 30 dana nakon prestanka radnog odnosa, obavljanja djelatnosti ili nakon prestanka primanja naknade plaće na koju imaju pravo prema Zakonu ili prema propisima donesenim na osnovu Zakona,
 - 2) se prijavili u roku od 30 dana nakon služenja vojnog roka ili nakon prestanka nesposobnosti za rad zbog koje su otpušteni s te vojne službe,
 - 3) se prijavili u roku od 30 dana nakon otpuštanja iz ustanove za izvršenje kaznenih i prekršajnih sankcija, iz zdravstvene ili druge specijalizirane ustanove, ako je bila primjenjena mjera sigurnosti obaveznog psihijatrijskog liječenja u zdravstvenoj ustanovi ili obaveznog liječenja alkoholičara i narkomana,
 - 4) na stručnom osposobljavanju ili prekvalifikaciji koje organizira Služba,
 - 5) se prijavili u roku od 30 dana po povratku iz inozemstva i ako su prije odlaska u inozemstvo bili zdravstveno osigurani,
 - 6) se prijavili u roku od 90 dana nakon završetka školske godine u kojoj su završili redovana školovanja, odnosno od dana položenog ispita ako su prije toga izgubili pravo na zdravstvenu zaštitu,

- 7) se prijavili u roku od 90 dana nakon služenja vojnog roka odnosno od dana prestanka nesposobnosti zbog bolesti radi koje su otpušteni s te vojne službe, ako su na služenje vojnog roka stupili u roku od 60 dana od dana završenog školovanja u odgovarajućoj ustanovi,
- 8) djeca koja su navršila 15 godina života, a nisu završila osnovno školovanje ili se po završetku osnovnog školovanja nisu zaposlila, ako se u roku od 30 dana od dana navršenih 15 godina života, odnosno od dana završetka školske godine prijave Službi,
- 9) osobe koje su prema propisima o školovanju izgubila status učenika, odnosno redovnog studenta ili su prekinula redovno školovanje, zadržavaju pravo na zdravstvenu zaštitu u trajanju od jedne godine od dana prekida školovanja ako su se prijavili Službi u roku od 30 dana od dana prekida školovanja i ako pravo na zdravstvenu zaštitu ne mogu ostvariti po drugom osnovu.

b) članovima porodice osiguranika smatraju se:

- 1) supružnik (bračni i vanbračni saglasno propisima o braku i porodici);
- 2) djeca (rođena u braku, van braka, usvojena ili pastorčad) i druga djeca bez roditelja ako ih osiguranik izdržava);
- 3) roditelj (otac, majka, očuh, maćeha, usvojitelji osiguranika) ako ih osiguranik izdržava;
- 4) unuci, braća, sestre, djed, baka ako su nesposobni za samostalan život i rad i ako nemaju sredstava za izdržavanje, pa ih osiguranik izdržava.

(3) Članovi porodice osiguranika iz tačke b) ovog člana stiču prava na obavezno zdravstveno osiguranje po osnovu zakona pod uslovom da isto pravo ne ostvaruju po osnovu radnog odnosa ili obavljanja privredne ili neprivredne djelatnosti ličnim radom odnosno neprivrednom djelatnošću.

(4) Izuzetno supružnik je zdravstveno osiguran kao:

- a) supružnik umrlog osiguranika koji nakon smrti supružnika nije stekao pravo na porodičnu penziju, jer nije navršio određene godine života, ako je u vrijeme smrti supružnika bio stariji od 40 godina (žena) odnosno 55 godina (muškarac), supružnik mlađi od 40 godina (žena) odnosno 55 godina (muškarac), ukoliko propisima o penzijskom i invalidskom osiguranju nije drugačije regulisano, produžava korištenje prava iz obaveznog zdravstvenog osiguranja dok je prijavljen na evidenciju nezaposlenih osoba Službe, ako se istoj prijavi u roku od 90 dana nakon smrti supružnika,
- b) razvedeni supružnik mlađi od 45 godina (žena) odnosno 60 godina (muškarac) kojem su sudskom odlukom povjerena djeca na čuvanje i odgajanje, dok je prijavljen na evidenciju nezaposlenih Službe, ako se istoj prijavi u roku od 90 dana nakon razvoda braka i dok djeca imaju pravo na izdržavanje.

(5) Pravo na zdravstveno osiguranje putem Službe, u skladu sa članom 26 Zakona o radu («Sl. novine F BiH» broj: 43/99, 32/00, 29/03) imaju i pripravnici za vrijeme trajanja pripravničkog staža, dok su prijavljeni na evidenciju nezaposlenih osoba.

POGLAVLJE IV – PENZIJSKO I INVALIDSKO OSIGURANJE

Član 21.

(Osnov sticanja prava)

Penzijsko i invalidsko osiguranje osigurava se nezaposlenoj osobi kojoj nedostaju do 3 godine penzijskog staža do sticanja uslova za starosnu penziju u skladu sa propisima o penzijskom invalidskom osiguranju.

Član 22.

(Uslovi za sticanje prava)

Pravo na uplatu doprinosa za penzijsko i invalidsko osiguranje ima nezaposlena osoba kojoj nedostaju do 3 godine penzijskog staža za sticanje uslova za starosnu penziju u smislu člana 30. i člana 137. Zakona o penzijskom i invalidskom osiguranju i to:

- a) osiguranik stiče pravo na starosnu penziju kada navršši 65 godina života i najmanje 20 godina penzijskog staža;
- b) osiguranik stiče pravo na starosnu penziju kad navršši 40 godina penzijskog staža, bez obzira na godine života;
- c) izuzetno, osiguranik stiče pravo na starosnu penziju kad navršši 55 godina života i 30 godina penzijskog staža (žena) odnosno 60 godina života i 35 godina penzijskog staža (muškarac), ali najduže do 31 decembra 2005. godine.

Član 23.

(Početak trajanja osiguranja)

Pravo na uplatu doprinosa za penzijsko i invalidsko osiguranje ima nezaposlena osoba, ukoliko ispunjava uslove iz člana 22. ovog Pravilnika, od dana posljednje prijave na evidenciju nezaposlenih osoba, a najranije od 29.12.2000. godine.

DIO TREĆI – OSTVARIVANJE PRAVA ZA VRIJEME NEZAPOSLTENOSTI

POGLAVLJE I - ZAJEDNIČKE ODREDBE

Član 24.

(Mjesna nadležnost)

- (1) Prava po osnovu nezaposlenosti iz člana 3 ovog Pravilnika, u pravilu nezaposlena osoba ostvaruje u Službi ukoliko ima prebivalište u Kantonu Sarajevo.
- (2) Nezaposlena osoba koja je zbog ratnog stanja napustila prebivalište, prava ostvaruje u Službi ukoliko ima boravak u Kantonu Sarajevo.
- (3) Strani državljanin, prava po osnovu nezaposlenosti ostvaruje u Službi, ukoliko ima stalni ili privremeni boravak u Kantonu Sarajevo.
- (4) Nezaposlena osoba kojoj je radni odnos prestao u Republici Srpskoj, ukoliko ima prebivalište u Kantonu Sarajevo, zahtjev za novčanu naknadu podnosi u Službi, s tim ukoliko su doprinosi za osiguranje od nezaposlenosti uplaćivani prema sjedištu poslodavca u Republici Srpskoj, novčana naknada se ostvaruje iz Zavoda za zapošljavanje Republike Srpske.

Član 25.

(Postupak ostvarivanja prava)

- (1) O primljenom zahtjevu za ostvarivanje prava za vrijeme nezaposlenosti Služba odlučuje rješenjem.
- (2) Pri rješavanju o pravima za vrijeme nezaposlenosti primjenjuju se odredbe Zakona o upravnom postupku, ukoliko Federalnim zakonom i Kantonalnim zakonom nije drugačije određeno.
- (3) O žalbi protiv rješenja Službe, kojim se odlučuje o pravima na osnovu odredbi Federalnog zakona, u drugostepenom postupku odlučuje Federalni zavod za zapošljavanje.
- (4) O žalbi protiv rješenja Službe, kojim se odlučuje o pravima na osnovu odredbi Kantonalnog zakona, u drugostepenom postupku odlučuje Ministarstvo za rad, socijalnu politiku, raseljena lica i izbjeglice Kantona Sarajevo.

Član 26.

(Podnošenje zahtjeva)

- (1) Prava po osnovu nezaposlenosti su lična prava nezaposlene osobe i nenaslijeđuju se.
- (2) Zahtjev za ostvarivanje prava po osnovu nezaposlenosti nezaposlena osoba u pravilu podnosi neposredno lično, na obrascima Službe, stim da zahtjev može podnijeti pismeno ili (i) putem ovlaštenog punomoćnika.
- (3) Prilikom ostvarivanja prava po osnovu nezaposlenosti, nezaposlena osoba je dužna dostaviti Službi sve potrebne podatke za utvrđivanje prava.

Član 27.

(Promjenjene okolnosti)

Nezaposlena osoba koja ostvaruje prava po osnovu nezaposlenosti, dužna je u roku od 15 dana od dana nastanka okolnosti prijaviti nadležnom birou svaku okolnost koja utiče na promjenu ili prestanak prava.

Član 28.

(Predaja radne knjižice i obaveze javljanja na evidenciju)

- (1) Nezaposlena osoba koja ostvaruje pravo na novčanu naknadu (i) ili pravo na uplatu doprinosa za penzijsko i invalidsko osiguranje dužna je za vrijeme trajanja tih prava predati radnu knjižicu Službi i javljati se na evidenciju nezaposlenih osoba svakih 30 dana.
- (2) Nezaposlena osoba koja ostvaruje pravo na uplatu doprinosa za zdravstveno osiguranje dužna je se za vrijeme trajanja tog prava javljati na evidenciju nezaposlenih osoba svakih 60 dana.

POGLAVLJE II – OSTVARIVANJE PRAVA NA NOVČANU NAKNADU

Član 29.

(Rok za podnošenje zahtjeva)

- (1) Pravo na novčanu naknadu stiže nezaposlena osoba ako se prijavi i podnese zahtjev u roku od 30 dana od dana prestanka radnog odnosa, odnosno dana odjavljivanja obrta ili djelatnosti.
- (2) Nezaposlena osoba koja iz opravdanog razloga propusti rok za prijavu iz stava 1. ovog člana, može se prijaviti i podnijeti zahtjev u roku od 30 dana od dana prestanka razloga koji je prouzrokovao propuštanje roka.

Član 30.

(Opravdan razlog za podnošenje zahtjeva po proteku roka)

(1) Pod opravdanim razlogom iz člana 29. st. 2. ovog Pravilnika smatra se privremena spriječenost za rad po propisima o zdravstvenom osiguranju, ako je osoba:

- a) privremeno spriječena za rad zbog bolesti ili povrede radi liječenja ili medicinskog ispitivanja u zdravstvenoj ustanovi,
- b) privremeno spriječena za rad zbog određenog liječenja ili medicinskog ispitivanja koje se ne može obaviti izvan radnog vremena zaposlenika,
- c) izolovana kao kliconoša ili zbog pojave zaraze u njegovoj bližoj okolini,
- d) određena za pratioca bolesnika upućenog na liječenje ili ljekarski pregled u najbliže mjesto,
- e) određena za njegu bolesnog supružnika ili djeteta pod uslovima propisanim zakonom.

(2) Nestupanje opravdanog razloga iz st. 1. ovog člana se dokazuje potvrdom nadležnog organa.

Član 31.

(Dokazi koji se prilažu uz zahtjev)

(1) Prilikom podnošenja zahtjeva za novčanu naknadu, u pravilu se prilažu slijedeći dokazi:

- a) Odluka o prestanku radnog odnosa, ili odluka nadležnog organa o prestanku profesionalne ili ekonomske djelatnosti sa razlozima prestanka,
- b) Potvrda o podnesenoj prijavi – odjavi sa penzijskog i invalidskog osiguranja (Obrazac M2),
- c) Dokaz o zaposlenju i stažu osiguranja (Radna knjižica),

(2) U slučaju da nezaposlena osoba uz zahtjev ne priloži dokaze iz stava 1. ovog člana istoj se ostavlja rok od 15 dana da dostavi potrebne dokaze.

(3) Ukoliko ni u ostavljenom roku dokazi nisu dostavljeni, Služba o podnesenom zahtjevu odlučuje rješenjem u skladu sa pravilima postupka i materijalnom propisu na osnovu raspoloživih dokaza.

(3) U toku postupka upotpunjuje se činjenično stanje provođenjem dokaza o osiguranju za slučaj nezaposlenosti, eventualnim statusnim promjenama nezaposlene osobe i sl., radi utvrđivanja činjeničnog stanja i donošenja rješenja.

Član 32.

(Početak trajanja prava na novčanu naknadu)

- (1) Novčana naknada pripada nezaposlenoj osobi od prvog dana po prestanku radnog odnosa ako podnese zahtjev za novčanu naknadu u roku iz člana 29 ovog Pravilnika.
- (2) Ako nezaposlena osoba podnese zahtjev po proteku roka iz člana 29. ovog Pravilnika, novčana naknada joj pripada od dana podnošenja zahtjeva pa do isteka vremena za koje bi joj pripadalo pravo na novčanu naknadu, tj. vrijeme trajanja prava se skraćuje za period od dana prestanka radnog odnosa pa do dana podnošenja zahtjeva.
- (3) Novčana naknada ne pripada nezaposlenoj osobi koja podnese zahtjev poslije isteka vremena za koje bi joj pripadalo pravo na novčanu naknadu, na osnovu zakona.

Član 33.

(Isplata novčane naknade)

- (1) Novčana naknada se u pravilu isplaćuje nezaposlenoj osobi lično jedanput mjesečno do desetog u mjesecu za protekli mjesec.
- (2) Zaostali iznosi od datuma početka trajanja prava pa do datuma prve isplate, isplaćuju se odjednom, a slijedeći kontinuirano mjesečno.

POGLAVLJE III – OSTVARIVANJE PRAVA NA ZDRAVSTVENO OSIGURANJE

Član 34.

(Način ostvarivanja prava)

- (1) Nezaposlenoj osobi se na njen zahtjev ili po službenoj dužnosti prilikom prijavljivanja na evidenciju nezaposlenih osoba u nadležnom birou, utvrđuje pravo na ostvarivanje zdravstvenog osiguranja putem Službe.
- (2) U slučaju da nezaposlana osoba ispunjava zakonom propisane uslove za zdravstveno osiguranje putem Službe, nadležni biro po službenoj dužnosti vrši prijavu na osiguranje kod nadležne službe Zavoda zdravstvenog osiguranja.

Član 35.

(Ostvarivanje prava nakon promjene prebivališta)

Nezaposlena osoba koja se zbog promjene prebivališta prijavi na evidenciju nadležnog biroa s prelaznicom u roku od 15 dana, nastavlja ostvarivanje prava na zdravstveno osiguranje ukoliko je isto ostvarivala putem prethodno nadležnog biroa.

POGLAVLJE IV – OSTVARIVANJE PRAVA NA PENZIJSKO I INVALIDSKO OSIGURANJE

Član 36.

(Način ostvarivanja prava)

Nezaposlena osoba koja ispunjava uslove iz člana 31. stav 2. Federalnog zakona može podnijeti zahtjev za uplatu doprinosa za penzijsko i invalidsko osiguranje, koji se podnosi na propisanom obrascu Službe.

Član 37.

(Dokazi koji se prilažu uz zahtjev)

Uz zahtjev se prilažu slijedeći dokazi:

- a) radna knjižica,
- b) ovjerena fotokopija radne knjižice,
- c) ovjerena fotokopija lične karte.
- d) uvjerenje o stažu sa uvećanim trajanjem,
- e) uvjerenje nadležnog biroa o prijavi na evidenciju nezaposlenih osoba,
- f) uvjerenje nadležnog organa o posebnom stažu osiguranja.

Član 38.

(Odlučivanje o zahtjevu)

O podnesenom zahtjevu Služba odlučuje rješenjem, a na osnovu Uvjerenja nadležne Službe penzijskog i invalidskog osiguranja.

POGLAVLJE V – PRESTANAK PRAVA PO OSNOVU NEZAPOSLENOSTI

Član 39.

(Razlozi prestanka prava po osnovu nezaposlenosti)

Nezaposlenoj osobi prestaju prava utvrđena osnovu Zakona ako:

- a) propusti, bez opravdanog razloga, prihvatiti odgovarajuće zaposlenje;
- b) da lažne podatke prilikom podnošenja zahtjeva;
- c) u roku od 15 dana ne prijavi nadležnoj službi za zapošljavanje nastanak okolnosti koja utiču na promjenu ili prestanak prava iz osnova nezaposlenosti;
- d) zasnjuje radni odnos;
- e) bude zatečena na radu bez ugovora o radu ili pisane izjave poslodavca; odnosno rješenja o zasnivanju radnog odnosa ili o postavljenju;
- f) registrira privredno društvo ili drugo pravno lice, odnosno ostvari dividendu po osnovu udjela u privrednom društvu ili drugom pravnom licu u visini određenoj u članu 3. stav 2. Federalnog zakona;
- g) registrira obrt ili ostvari prihod po bilo kom osnovu u visini određenoj u članu 3. stav 2 Federalnog zakona;
- h) počne se baviti poljoprivrednom djelatnošću;
- i) ispunji uslove za penziju prema propisima o penzijskom i invalidskom osiguranju;
- j) stupi na odsluženje vojnog roka;
- k) stupi na izdržavanje kazne zatvora, mjere sigurnosti, zaštitne ili vaspitne mjere u trajanju dužem od šest mjeseci;
- l) navršiti 65 godina života;
- m) odbije uključiti se u obrazovanje na istom stupnju stručne spreme koje je organizirala i snosi troškove Služba, u cilju povećanja njene mogućnosti zapošljavanja ili ako bez opravdanog razloga prekine, odnosno ne završi obrazovanje;
- n) ne javi se Službi u dva uzastopna roka, a ne obavijesti Službu o opravdanim razlozima nejavljanja;
- o) neispunjava uslove o aktivnom traženju posla;
- p) odjavi se sa evidencije;
- q) primi novčanu naknadu u skladu sa članom 30.a, Federalnog zakona;
- r) postane redovan učenik ili student.


DIO ČETVRTI – ZAVRŠNE ODREDBE

Član 40.

(Stupanje na snagu)

Pravilnik stupa na snagu narednog dana od dana donošenja od strane U pravnog odbora JU «Služba za zapošljavanje Kantona Sarajevo» Sarajevo.

BP 01-05-4510/06



PREDSJEDNIK
PRAVNOG ODBORA
[Redacted signature]
Azemina Cerimagić, dipl. ecc

Bosna i Hercegovina
Federacija Bosne i Hercegovine

KANTON SARAJEVO

Javna ustanova "Služba za zapošljavanje
Kantona Sarajevo" - Sarajevo
S A R A J E V O



Bosnia and Herzegovina
Federation of Bosnia and Herzegovina

CANTON SARAJEVO

Establishment with public attorney "Canton
Sarajevo employment agency" - Sarajevo
S A R A J E V O

PRAVILNIK
O IZMJENI I DOPUNAMA PRAVILNIKA O NAČINU OSTVARIVANJA PRAVA
NA NOVČANU NAKNADU I DRUGIH PRAVA ZA VRIJEME PRIVREMENE
NEZAPOSLENOSTI

Sarajevo, maj/svibanj 2010. godine

Sarajevo, Đoke Mazalića 3,
web-stranica: www.juszzks.com.ba; e-mail adresa: juszzks@bih.net.ba
Tel:++387 (33) 204-150, fax: 204-177, ISDN: 251-260; Matični broj: 4200304610003;
Poreski broj: 01079085; Žiro račun Raiffeisen bank d.d. BiH broj: 1610000027460032



Certifikat br. 44 100 081869

Na osnovu člana 16. stav 1. alineja 1. Statuta Javne ustanove «Služba za zapošljavanje Kantona Sarajevo» - Sarajevo, broj: 05/1-3306/08 od 22.05.2008. godine, Upravni odbor Javne ustanove, na 25. sjednici, održanoj 12.05.2010. godine, d o n i o j e

**PRAVILNIK
O IZMJENI I DOPUNAMA PRAVILNIKA O NAČINU OSTVARIVANJA PRAVA NA
NOVČANU NAKNADU I DRUGIH PRAVA ZA VRIJEME PRIVREMENE
NEZAPOSLENOSTI**

Član 1.

U Pravilniku o načinu ostvarivanja prava na novčanu naknadu i drugih prava za vrijeme privremene nezaposlenosti Javne ustanove «Služba za zapošljavanje Kantona Sarajevo» - Sarajevo (broj: 01-05-4511/06 od 19.06.2006. godine), u članu 28. u stavu 1. riječ: «Službi», zamjenjuje se riječima: «nadležnom birou Službe i/ili Odjeljenju pisarnice i arhive».

Član 2.

U članu 28. iza stava 1. dodaju se novi st. 2. i 3., koji glase:

"(2) Nadležni biro Službe i/ili Odjeljenje pisarnice i arhive nezaposlenoj osobi će izdati potvrdu o preuzimanju i čuvanju radne knjižice.

(3) Nakon isteka perioda, u kojem nezaposlena osoba ostvaruje prava iz stava 1. ovog člana, nadležni biro Službe i/ili Odjeljenje pisarnice i arhive dužan/no je vratiti nezaposlenoj osobi radnu knjižicu, a nezaposlena osoba će potpisati Izjavu o preuzimanju radne knjižice."

"Dosadašnji stav (2) postaje stav (4)."

Član 3.

Ovaj Pravilnik stupa na snagu narednog dana od dana donošenja od strane Upravnog odbora, a naknadno će se objaviti u internom glasilu "Informator".

**PREDSJEDNIK
UPRAVNOG ODBORA**

Muamer Kalić, prof.

Broj: 0511-1279-1110.
Sarajevo, 04.06.2010g.